

CONSTITUTIONES,
ET EXTRAVAGANTES
Ordinis Monachorum
SANCTI P. HIERONYMI

Maximi Ecclesie Doctoris

Ab Eñõ, & Rñõ Dño VINCENTIO,
Tit. S. Honuphrii Presbytero Card. PETRA
S.R.E. Poenitentiario Majori,

Ex auctoritate Sac. Congregationis EE. & RR.

*S.R.E. Cardinalium negocijs Episcoporum,
& Regularium præpositæ,*

Nunc denuò compilatæ,

ATQUE A SS. D. NOSTRO

CLEMENTE PP. XII.

Confirmatæ.



Juan Garcia
profes de Esp.



ROMÆ, Typis Rev. Camerae Apostolicæ Anno M.DCC.XXX.

Cum Superiorum permissu, & licentia.



C L E M E N S P A P A X I I.

Ad perpetuam rei memoriam.



Ecclesiae Catholicae, regimini, meritis licet imparibus per ineffabilem Divinae Sapientiae, atque bonitatis abundantiam praesidentes, ea, quae pro foelici, prosperoque Monasticorum Ordinum in Ecclesia Dei pie, sancteque institutorum, ac bonorum operum fructus assidue proferre satagentium, statu, ac gubernio providè, prudenterque constituta, & ordinata esse noscuntur, ut firma semper, atque inviolata persistant, & sub illorum directione Christi fideles divinis obsequiis sub suavi Religionis jugo mancipati, vota sua Altissimo in sanctitate, & justitia

INCIPIUNT
CONSTITUTIONES
MONACHORUM ORDINIS
SANCTI P. HIERONYMI
Ecclesiae Doctoris
PROLOGUS.



D laudem, & gloriam Omnipotentis Dei Patris, & Filii, & Spiritus Sancti, qui est unus in essentia, trinus in Personis, Alpha, & Omega, Principium, & Finis omnium; & ad salutem universorum, & singulorum modernorum, futurorumque Ordinis Sancti P. Hieronymi Monachorum; ac bonum Statum; & firmam dicti Ordinis conservationem: infrascriptae sunt Constitutiones, & Leges Extravagantes, quae ab universis; & singulis praefati Ordinis Monachis perpetuo, inviolabiliter, & religiosè observari debent; Ordinationibus, & Usibus quibuscumque quorumlibet Monasteriorum in contrarium penitus abrogatis. Ex hujusmodi tamen Constitutionibus, & Legibus Extravagantibus, aut ex quibuscumque aliis, quae imposteriorum fuerint legitimè ordinatae, & promulgatae, etiamsi Monachi universim Ordinis, vel eorum aliqui ignorantia, negligentia, vel ex certa scientia, seu quavis alia causa ipsis non obtemperaverint, vel contravenerint in totum, vel in parte: nullum peccatum mortale, seu veniale, vel culpam aliquam animam pertingentem incurrant; sed tantummodo poenae corporali subjiciantur; si quae propter praemissam inobservantiam,